

ალექსანდრე ბურთიკაშვილი



ნალერიან გუნიას თეატრალური პორტრეტის მოხაზვისას ალექსანდრე ბურთიკაშვილი წერს: „რამ მიიყვანა ვალერიან გუნია თეატრში? სცენის სიყვარულმა. მაგრამ რა ედო საფუძვლად ამას? ხალხის სამსახური“.

ასეთივე კითხვა იბადება ახლა. როცა თვით ალ. ბურთიკაშვილის თეატრალური პორტრეტის მოხაზვას ვიწყებთ: რამ ააღებინა ხელში კალამი, რომ თეატრალური პორტრეტების შექმნა დაეწყო? ხალხის სამსახურმა. მაგრამ რა ედო საფუძვლად ამას? ეროვნული ხელოვნების წინსვლა და აღორძინება.

მაგონდება ერთი შემთხვევა. თბილისის ნადრევი თოვლის ქუჩაში იყო გახეული. ბავშვების ჭივილ-ხივილით გაცოცხლებულ რუსთაველის გამზირს მივყუებოდი. ოპერისა და ბალეტის თეატრის ბაღში, სადაც ზაქარია ფალიაშვილი, ვანო სარაჯიშვილი და კოტე მარჯანიშვილი განისვენებენ, ბეჭებში ოდნავ მოხრილი, ფიქრებში წასული ალ. ბურთიკაშვილი იდგა. ერთმანეთს გავესაუბრეთ. მან თავისი მუდმივი თანამგზავრი — პორტფელი მარჯვენა ხელიდან მარცხენაში გადაიტანა და ნააზრევი გამანდო. მკვლევარი ამ სამ ხელოვანზე მონოგრაფიების დაწერას აპირებდა. ვერ ვებდავ ხელი შევემართო კალამს. რადგან დიდოსტატს თავისი სადარი მიმატიანე სჭირდება. ოკეანეთა ტალღებს მხოლოდ დიდი ხომალდი გააპობს და არა იალქნიანი კარჭაპიო, მითხრა მან. ამის შემდეგ მრავალი წელი გავიდა და ახლა, როცა ალ. ბურთიკაშვილის „თეატრალური პორტრეტებს“ ვფურცლავთ, ნათლად ვხედავთ, თუ რაოდენ დიდი ზრუდენი გადალახა მან.

ინტერესმოკლებული არ არის ალ. ბურთიკაშვილის ბიოგრაფიული და სასცენო მოღვაწეობის ცნობებიც. იგი დაიბადა 1893 წელს, თბილისში. აქვე გაატარა ბავშვობა და ყრმობა.